



Inatsisartuni ilaasortaq,
Mette Arqe-Hammeken, Naleraq
Maani/

§ 37 naapertorlugu apeqquteqaammut nr. 127-2024 Ittoqqortoormiit eqqaani qilalukkanik qernertanik nannunillu misissuisimaneq pillugu tunngasumut akissuteqaat

Ulloq: 17-06-2024
Suliap normua: 2024 - 12199
Akt normu: 24263095

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Inatsisartut suleriaasissaanni § 37-mi imm. 1 naapertorlugu apeqqutiniq Naalakkersuisunut nassiussaqaarsimavutit, Ittoqqortoormiit eqqaani qilalukkanik qernertanik nannunillu misissuisimaneq pillugu. Apeqqutitit uanga suliaasaqarfigisannut akisassanngortinneqaarsimapput.

Apeqqut 1) 2021-mi § 37-mi akissuteqarpusi nr.049-mi tunumi misissuinermit paasisat 2022-mi imaluunniit 2023-mi tiguneqarsimalissasut, misissuinermit Ittoqqortoormiuni eqqaanilu paasisat qanoq inerneqarpat?

Akissuteqaat)

Tunumi nanoqatigiinnik misissuinerit annertuut 2014-imi aallartinneqarput aallaqaataaniillu 2021-mi naammassineqarnissaat pilersaarutaasimagaluarluni, kisianni Covid-19 peqqutigalugu kinguaattoortoqaarsimalluni. Killiffik imaappoq Pinngortitaleriffiup uumassusilerisut nalunaarusiaat tamakkiisoq misissuisimanermit naammassiniarlugu sulimmata. Taassuma saniatigut Pinngortitaleriffiup maannakkut annertunerusumik nalilersorpa pisassiissutit amerlassusai assigiinngitsut aallaavigalugit nanoqatigiinnut qanoq kinguneqarsinnaanersut. Nanoqatigiit misissorneqarnerat taamaalilluni naammassineqareerpoq, Naalakkersuisoqarfiullu qulaani taaneqartut nalunaarutit utaqqvai Pinngortitaleriffimmiit. Nalunaarusiat tiguneqareerpata APN-imiit tamanut ammasumik tusarniutigissavai, naalakkersuinikkut aalajangiisoqartinnagu.

Apeqqut 2) Aamma 2021-mi § 37-mi akissuteqarpusi nr. 049-mi tunumi qilalukkat qernertanut tunngatillugu misissuinerit suli ilai naammassinngitsut corona peqqutaalluni kinguaattoorfiunikuusoq, massakkut Ittoqqortoormiuni eqqaanilu misissuinerit naammassineqarpat?

a. Naammassisimappat misissuinermit paasisat qanoq isikkoqarpat?

Akissuteqaat)

Sumiiffimmi piniartut suleqatigalugit timmisartukkat kisitsinerit Ittoqqortoormiit kangerluini, iterlanni, Blosseville-p Sineriaani, Kangerlussuarmi iterlannilu kujasinnerusuni avannarpasissuseq 62°30'-mi tikillugu 2022-mi ingerlanneqarput. Kilometerit katillugit 2260-imik isorartutigisoq misissuiffigineqarpoq 200 meterit qutsitsigisumiit, misissuinermit atugassarititaasut pitsaanerpaasimallutik, taamaalillunilu misissuinerup nalaani qilalukkat qernertat katillugit 25-t takuneqarput. Tasiilap aqutsiveqarfiani (Kangerlussuup kujataani) qilalukkanik qernertanik takusoqanngilaq.

Tunami aqutsiveqarfinni tamani qilalukkanik qernertanik pisaqartoqassanngitsoq suli inassutigineqarpoq.

Misissuinerimi inernerit Inatsisartut ataatsimiititaliaanut susassaqtunut ilisimatitsissutigineqassapput, aammattaaq Pinngortitaleriffiup nittartagaani saqqummiunneqassamaarlutik.

Inussiarnersumik inuulluaqqusillunga



Kim Kielsen
Aalisarnermut Piniarnermullu Naalakkersuisoq